

# LA QUOTIDIANA

FMR Fundaziun Medias Rumantschas, Via da Masans 2, 7000 Cuirra, 081 544 89 11, redacziun@fmr.ch



## «Quai è sco da pender si il chaval vi da la cua»

Il cusseglier guvernativ Jon Domenic Parolini recapitulescha la politica da rg dals davos onns. **Pagina 2**



## L'Engiadin'Ota vul reagir proactivamain

La Regiun Malögia sa prepara cun ina grupp da lavur sin ils fugitivs che vegnan da l'Ucraina. **Pagina 7**

FMR FUNDAZIUN MEDIAS RUMANTSCHAS

südostschweiz

### ENGIADINA

## Radunanza cun plüssas elecziuns

In sonda salva l'Uniun dals Grischs (UdG) a Zernez i'l auditori dal Parc Naziunal sia radunanza generala. La suprastanta Victoria Mosca e seis collega Romedi Conradin sun ils unics chi's mettan a disposiziun per ün'ulteriura perioda d'uffizi. Quai significha cha la radunanza generala varà in sonda d'eleger üna o ün successur per Duri Denoth, per Martina Shuler e pel president Hermann Thom. Davo quatter ons ha'l decis da's retrar: «L'on passà vaiva la radunanza decis da restar pro'l nom Uniun dals Grischs, quist on invezza ha'la dad eleger nouva glied.» Noms nu po ella tradir ingins, «ma che ch'eu poss dir es cha no vain chattà plüssas persunas chi füssan prontas da's metter a disposiziun pels posts vacants», disch Victoria Mosca. (fmr/fa) **Pagina 7**

### SURSELVA

## Biars documents digns da vegnir mussai



Clavaus vegls en Val Medel duein survir ad ina retscha d'exposiziuns davart la cultura e la historia dalla val. FOTO HANS HUONDER

L'uniun La Vitrina vul organisar ina retscha d'exposiziuns en Val Medel. Sco loghens persunter duein clavaus vegls survir. El center dall'exposiziun che duei vegnir realisada en etappas sur plirs onns stat la cultura e la historia dalla val. Cun Albert Lutz ei ina persuna alla testa dall'uniun e dil project che sa bia dalla cultura e ch'ei era cudischius cull'organisaziun d'exposiziuns. Pressapauc 20 onns eis el staus directur dil Museum Rietberg a Turig. «Ei dat fetg bia interessants documents davart la Val Medel ch'ei digns da vegnir mussai als indigens mo era als hosps da vacanzas», constatescha Albert Lutz che ha ina casa a Soliva. Grazia a sia savida e sias relaziuns ein gia biars documents prompts per vegnir semtgai per l'emprema part dall'exposiziun en in clavau el vitg da Curaglia. Quell'emprema part d'ina retscha d'exposiziuns duei vegnir aviarta igl onn vengent. Films, intervistas e fotos dad ier ed oz duein star el center e mussar co la glied viveva pli baul e co ils habitonts dad oz vesan igl avegnir dalla Val Medel. (fmr/hh) **Pagina 6**

### GRISCHUN

## Blera variaziun en il Cussegl grond

Il Cussegl grond è sa fatschentà cun diversas fatschentas ch'èn per part stadas iniziadas da las fracziuns u da singulas deputadas e deputads. La regenza ha prendi posiziun vers dumondas da chatscha, da pilots da dronas e da la mancanza da persunal dal fatg. Il parlament grischun ha prolungà il sustegn finanziel per cas da direzza e las mesiras per gronds events che han patì da las restricziuns da corona. Ed il Cussegl grond ha declerà per urgenza ina dumonda dal deputà Lukas Horrer (PS, Cuirra) che perturga las sancziuns cunter la Russia. La dumonda sco tala vegn discutada oz gievgia. (fmr/ac) **Pagina 3**

# En trio agl timung digl parc

Siva da varsquantas midadas da persunal magna siva dall'antschatta avregl 2022 en trio feminin scu team directiv igl Parc Ela.

SANDRA BALZER/FMR

Discussiuns, stiuns e midadas da persunal: aint igl Parc Ela ò zufflo en vent criev igl davos onn. Varsaquants ampluias on disdetg la plazza, igl aton passo alloura er igl manader digl parc, Dieter Müller. Cattar ena successoura u en successour – en pensum ple tgi difficultous. Plessas emdas era la plazza vacanta. Malgro varsaquants annunztgas vegian alla fegn digls chints angal singulas persungas adampila las premissas, dei Judith Burri, tgi lavurra gio varsaquants onns tigl Parc Ela. Cun Veronika Widmann ins ò catto ena successoura

«Nous ans stuagn anc catar scu team, ans cunvignier e reparteir las lavours operativas.»

Judith Burri, egna dallas treis manadras digl Parc Ela

ed ena schliaziun ple tgi cuntantevla: ella surpeglia igl sectour dall'economia ed igls projects da Dieter Müller. Ansemen cun Regina Lenz e Judith Burri completescha ella igl team directiv. En model modern: an pe dad ena suletta persunga vign igl Parc Ela an futur mano da treis persungas. En model tgi pretenda pero er duple cunvignientschas e discussiuns, scu tgi Judith Burri declera: «Nous ans stuagn anc catar scu team, ans cunvignier, reparteir las lavours operativas ed introdtgeir Veronika ainten las novas lavours e projects. Igl team crescha dantant ansemen scu team directiv.»

**Pagina 8**

«Jau sun il sulet candidat che vegn dad ina regiun al sid da Fideris.»

Ina lecziun da geografia cun il cusseglier guvernativ Jon Domenic Parolini, candidat per la regenza – Pagina 2



# Las troccas, ina magia

Per ils ins – cunzun glied ella Surselva – eis ei nuot auter ch'in giug da hartas. Ins tegn enta maun il bagat, ina massa hartas che valan nuot, lu las figuras culs honors, e las troccas cul XXI, il mund, sco culminaziun. Cun ardur dattan ins troccas senza ponderar ch'igl ei dapli ch'in giug. Tgei che las troccas ein era, muossa l'exposiziun actuala ella Cularta a Laax. Luis Coraye Naomi Arpagaus rendan attent allas figuras ed als requisits, alla simbolica ed alla magia dil «Tarot» universal. (fmr/abc) **Pagina 5**



40016



Servetsch d'abunents e da distribuziun: tel. 0844 226 226 mail: abo@somedia.ch

9 771424 749004